

## Риёзус солиҳийн шарҳи / Риёзус солиҳийн шарҳи / 631-ҳадис

631 – وَعَنْهُ: أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «بَيْنَمَا رَجُلٌ يَمْشِي فِي حُلَّةٍ تَعَجِبُهُ نَفْسُهُ، مُرَجَّلٌ رَأْسُهُ، يَحْتَالُ فِي مَشِيَّتِهِ؛ إِذْ حَسَفَ اللَّهُ بِهِ، فَهُوَ يَتَجَلَّجَلُ فِي الْأَرْضِ إِلَى يَوْمِ الْقِيَامَةِ». مُتَّفَقٌ عَلَيْهِ [خ 5789، م 2088].

«مُرَجَّلٌ رَأْسُهُ» أَي: مُسْتَطَهُ. «يَتَجَلَّجَلُ» بِالْجِيمَيْنِ: أَي: يَعْصُ وَيَنْزِلُ.

631. Яна у кишидан ривоят қилинади:

Расулulloҳ соллalloҳу алайҳи васаллам:

**«Бир киши ўзига марғуб бўлиб, чиройли кийиниб, сочларини тараб, муткаббирларча қадам қўйиб юриб кетаётган эди, Аллоҳ таоло у кишини ерга ютқизиб юборди. У киши энди Қиёмат кунигача ерга гумбирлаб, шўнғиб бораверади»,** дедилар.

*Муттафақун алайҳ.*

**Шарҳ:** Пайғамбар соллalloҳу алайҳи васаллам ўтган умматлардан бир киши ўзининг чиройига, кийимига зеб бериб мутакаббирлик қилгани қандоқ оқибат ила тугаганини ажойиб васф қилиб, сиз билан биз мусулмонларни ўша шахсга ўхшашликдан қайтармоқдалар.

Мазкур бадбахтликка гирифтор бўлган одам сочини ҳавас билан ўстирган экан. Унинг сочи елкасига тушиб турар экан. Кийимни ҳам бошқаларга кўз-кўз қилиш учун танлаб кийган экан. У кунлардан бир кун,

**«Бир киши ўзига марғуб бўлиб, чиройли кийиниб, сочларини тараб, муткаббирларча қадам қўйиб юриб кетаётган эди, Аллоҳ таоло у**

## **кишини ерга ютқизиб юборди.**

Бунга ўхшаш нобакорларни, ўзини ўзгалардан арзимаган нарса ила устун қўядиганларни, кийими ила манманлик ва мутакаббирлик қиладиганларни ер ҳам ўз устида олиб турмай ютиб юборишга тайёр экан. Аммо ер уни ютиши билан иш битиб қолмайди. Балки, Пайғамбар соллаллоҳу алайҳи васаллам ушбу ҳадисда айтганларидек,

**«У киши энди Қиёмат кунигача ерга гумбирлаб, шўнғиб бораверади»,** яъни пастга тушиб бораверади.

Яъни, у қиёматгача ер ютиш азобини чекиб, қийналиб туради. Қиёмат кунини эса, унинг абадий ҳоли қандоқ бўлишини Аллоҳ таолонинг Ўзи белгилайди.

Ким ана ўшандоқ ҳолга учрамай деса, зинҳор базинҳор кийими ила манманлик қилмасин.

Жумхур аҳли ўша ер ютиб юборган кимса Қорундир, деб айтишган.

---

Манба: [hadis.islom.uz](http://hadis.islom.uz)

